

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De paratis contra sanctum Athanasium insidijs. Cap. XXVI.

urn:nbn:de:hbz:466:1-12704

funt. Quam quidem tragœdiā, quantum fieri potest, breuiissimè hoc loco explicabo.

De paratis contra sanctum Athanasium insidijs.

CAP. XXVI.

CV M episcopus ille egregius Alexander, qui tam strenue contra Arij blasphemiam decertauerat, quinque menses post concilium Nicææ celebratum finem vivendi fecisset, ecclesiæ Alexandrinae episcopatum capessit Athanasius: vir à puerō diuinis & sacris literis institutus, & singulis ordinum ecclesiasticorum muneribus cum summa omnium admiratione perfunditus. Iste in magno illo ac celebri concilio Nicæno egregiè ac virili animo pro doctrina apostolica luctatus, quemadmodum à veritatis defenditoribus magnam laudem adeptus est, sic apud eius oppugnatores, velut aduersarius in graue odium & plane capitale incurrit. Qui cum adolescens esset, consuetudine illius excellentis Alexandri assidue vsus est, choroq; diaconorum præfuit. Vbi verò Ariani, qui vnigenitum Dei filium oppugnare secum decreuerant, experientia docti intellexere propensum atq; alacre eius in tuenda veritate studiū, & iam ad ecclesiæ Alexandrinæ gubernacula suscipienda designatum cognouere, eius administratione suam potentiam labefactatum iri existimarunt. Qua de causa tale quoddam facinus moliri cœperunt. Cum Meletius ille, quem concilium Nicænum abdicauerat, tumultus ac turbas tum in Thebaide, tum in AEgypto, quæ ei finitima est ciere non desisteret, Ariani militibus quibusdam mercede conductis (sic enim fore putabant, vt crimen simulatum confitumque suspicione careret) persuadent, vt propere contenderent ad imperatorem, Athanasium per calumniam insimularent, quod tributa AEgypto imposuerat, & aurum inde collectum homini tyrannidem exercere molesti suppeditarat. Qui cum imperatorem hoc modo essent ludificati, effecerunt vt Athanasius Constantinopolim duceretur. Ille vt primum eo venit, tum falsam accusatorū criminationem refutauit, tum ad ecclesiæ administrationē, quæ ei diuinitus delata erat, restitutus est.

EB 4

Impe-